

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 18 NOVEMBER 2015, PUKUL 10.00 PAGI

Bil. 52

PERTANYAAN-PERTANYAAN BAGI JAWAB LISAN

1. PR-1333-L71570
Dr. Mansor bin Abd Rahman [Sik] minta **MENTERI SUMBER MANUSIA** menyatakan jumlah dan kategori latihan persijilan bertaraf antarabangsa yang sedang atau akan diusahakan dengan kerjasama pihak IPTA di negara ini bagi meningkatkan mutu pelajar-pelajar taraf vokasional dan teknikal.
2. PR-1333-L69798
Dato' Kamarudin bin Jaffar [Tumpat] minta **MENTERI LUAR NEGERI** menyatakan langkah-langkah terkini yang telah diambil untuk memastikan negara Palestin dapat menjadi anggota penuh Pertubuhan Bangsa-bangsa Bersatu.
3. PR-1333-L70191
Dato' Henry Sum Agong [Lawas] minta **MENTERI KEWANGAN** menyatakan mengapa pembayaran BR1M Fasa II dan III untuk tahun 2015 tergendala dan apakah langkah untuk memastikan pembayaran BR1M akan datang berjalan lancar.
4. PR-1333-L71248
Tuan Oscar Ling Chai Yew [Sibü] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlahnya lesen Pemberi Pinjam Wang dan Pemegang Pajak Gadai yang dikeluarkan oleh KPKT di Sibü. Apakah syarat-syarat untuk memohon lesen tersebut, dan bagaimana Kerajaan memantau kadar faedah dan aktiviti tersebut supaya orang ramai tidak terperangkap dalam hutang.
5. PR-1333-L70812
Datuk Aaron Ago anak Dagang [Kanowit] minta **MENTERI DALAM NEGERI** menyatakan jumlah permohonan lewat sijil lahir dan kad pengenalan yang belum dapat diluluskan terutama bagi Negeri Sarawak. Apakah masalah sebenarnya terhadap isu ini dan strategi/langkah Kerajaan bagi mengatasinya.

6. PR-1333-L69981
Dato' Dr. Mujahid Yusof Rawa [Parit Buntar] minta **PERDANA MENTERI** menyatakan usaha memerangi fahaman ekstrem agama sehingga berpotensi melahirkan budaya pelabelan kafir sesama umat Islam.
7. PR-1333-L69562
Datuk Raime bin Unggi [Tenom] minta **PERDANA MENTERI** menyatakan jaminan Kerajaan akan terus memberi tumpuan kepada penambahbaikan taraf dan kualiti hidup rakyat, termasuk di Sabah terutama melalui usaha meningkatkan pendapatan isi rumah B40, memperluaskan penyediaan infrastruktur asas luar bandar serta meningkatkan jaringan perhubungan antara luar bandar dan bandar.
8. PR-1333-L70425
Tuan Lim Lip Eng [Segambut] minta **PERDANA MENTERI** menyatakan berapa bantahan telah diterima oleh Suruhanjaya Pilihan Raya Malaysia (SPRM) untuk permohonan pendaftaran baru atau tukar alamat di dalam Daftar Pemilih Tambahan mengikut negeri sejak tahun 2014, berapa bantahan telah dibenarkan dan apa jaminan pembantah akan bayar kos setelah bantahannya gagal.
9. PR-1333-L70571
Tuan Anyi Ngau [Baram] minta **MENTERI PENDIDIKAN** menyatakan langkah yang diambil oleh Kementerian untuk mencapai sasaran 90% guru tempatan di Sarawak serta adakah ia mengambil kira komposisi kaum minoriti di pedalaman seperti Orang Ulu, Penan dan sebagainya.
10. PR-1333-L70818
Tuan Julian Tan Kok Ping [Stampin] minta **MENTERI KESIHATAN** menyatakan secara terperinci status serta perancangan hospital di Petra Jaya, Kuching, Sarawak. Termasuk jumlah perbelanjaan, jangka masa siap, syarikat yang terlibat, jumlah kontrak yang ditawarkan, serta peranan mereka dalam projek tersebut.
11. PR-1333-L70021
Datuk Abd Rahim bin Bakri [Kudat] minta **MENTERI KERJA RAYA** menyatakan bilakah kerajaan bercadang untuk melaksanakan pembinaan jalan persisir Kota Belud ke Kudat seperti mana yang diumumkan pada Program Jelajah Janji Ditepati di Daerah Kudat pada 14 Oktober 2012.
12. PR-1333-L69784
Puan Siti Zailah binti Mohd Yusoff [Rantau Panjang] minta **MENTERI SUMBER ASLI DAN ALAM SEKITAR** menyatakan perancangan Kerajaan untuk mengatasi masalah air bertakung dan limpahan air Sungai Golok di Rantau Panjang serta pelan jangka panjang untuk atasi kerugian perniagaan, hasil pertanian dan harta benda setiap tahun di Rantau Panjang akibat banjir.

13. PR-1333-L71197
Tuan Haji Ahmad Lai bin Bujang [Sibuti] minta **MENTERI KESIHATAN** menyatakan adakah Kementerian bercadang untuk membina Hospital di daerah Baru Subis di bawah Parlimen Sibuti memandangkan keperluan sebuah hospital wajar dipertimbangkan bagi keperluan masyarakat luar bandar dan bagaimanakah janji-janji Menteri Kesihatan yang lepas mengenai bina baru Klinik Kesihatan Bekenu.
14. PR-1333-L70085
Dato' Mansor bin Othman [Nibong Tebal] minta **PERDANA MENTERI** menyatakan bilangan Kementerian dan Agensi Kerajaan yang terlibat dengan dasar dan pelaksanaan membasmi kemiskinan. Senaraikan kementerian dan agensi berkenaan serta perincian bajet terkini yang diperuntukkan.
15. PR-1333-L70950
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **PERDANA MENTERI** menyatakan apakah rancangan jangka panjang Kerajaan untuk mengurangkan kebergantungan ekonomi negara kepada industri berasaskan minyak dan gas.
16. PR-1333-L70060
Raja Dato' Kamarul Bahrin Shah [Kuala Terengganu] minta **MENTERI SUMBER ASLI DAN ALAM SEKITAR** menyatakan kenapakah Jabatan Alam Sekitar tidak mengambil langkah-langkah yang awal serta tegas dalam isu pengangkutan tanah Bauxite di Terengganu dan Pahang yang telah mencemar dan menjejaskan alam sekitar negeri yang memerlukan Kerajaan negeri mengeluarkan kenyataan dalam isu pencemaran alam oleh bahan bauksit ini.
17. PR-1333-L69508
Dato' Wira Othman bin Abdul [Pendang] minta **MENTERI KEWANGAN** menyatakan adakah Kerajaan sedar bahawa semua jenis perkhidmatan oleh bank-bank tempatan dikenakan 6% GST. Apakah Kerajaan bercadang untuk mengkaji dan menghapuskan sebahagian dari cukai GST berkaitan.
18. PR-1333-L71366
Tuan Ignatius Dorell Leiking [Penampang] minta **MENTERI KESIHATAN** menyatakan usaha-usaha pemerintah pusat untuk menangani masalah kekurangan hospital di negeri Sabah dan Sarawak, daripada segi peruntukan, bilangan hospital, peralatan hospital, dan kepakaran.
19. PR-1333-L70526
Puan Hajah Normala binti Abdul Samad [Pasir Gudang] minta **MENTERI PENDIDIKAN** menyatakan kesan positif sekiranya mata pelajaran Bahasa Tamil dan Bahasa Cina dijadikan subjek opsyen yang wajib diambil oleh pelajar-pelajar Sekolah Kebangsaan serta adakah wajar cadangan ini untuk diperhalusi dan seterusnya dilaksanakan.
20. PR-1333-L70566
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan bilakah pengumuman gaji minima dibuat oleh Majlis Gaji Minima.

21. PR-1333-L71311
Dato' Noraini binti Ahmad [Parit Sulong] minta **MENTERI KESIHATAN** menyatakan perancangan Kementerian dalam meningkatkan daya saing sektor pelancongan kesihatan di negara ini sesuai dengan saranan YAB Perdana Menteri agar ia setanding dengan negara jiran.
22. PR-1333-L70104
Tuan Nik Mohamad Abduh bin Nik Abdul Aziz [Pasir Mas] minta **MENTERI PERUSAHAAN PERLADANGAN DAN KOMODITI** menyatakan bilangan peladang, pekebun yang mengalami kesan akibat kejatuhan harga komoditi ketika ini.
23. PR-1333-L70789
Datuk Rozman bin Isli [Labuan] minta **PERDANA MENTERI** menyatakan mengenai tuntutan hak kedaulatan ke atas semua pulau-pulau kecil di perairan Sabah yang masih belum selesai, bagi menjamin kedaulatan Malaysia dan hasil sumber terutamanya hasil minyak dan gas.
24. PR-1333-L71284
Tuan Mohamed Azmin bin Ali [Gombak] minta **MENTERI LUAR NEGERI** menyatakan apakah inisiatif yang telah diambil oleh Kerajaan untuk berdepan persaingan China dan Amerika Syarikat di Asia Pasifik yang boleh menggugat keselamatan rantau ini.
25. PR-1333-L69822
Dr. Noor Azmi bin Ghazali [Bagan Serai] minta **MENTERI DALAM NEGERI** menyatakan apakah status kerangka Dasar Dadah Baru Negara dan adakah ia mengambil kira bukti-bukti saintifik polisi dadah di negara yang telah berjaya mengatasi ancaman ini.
26. PR-1333-L70019
Tuan Er Teck Hwa [Bakri] minta **MENTERI KERJA RAYA** menyatakan jumlah pekerja yang terjejas dan pampasan yang diberikan kerana penutupan lorong tunai di beberapa plaza tol dengan pengenalan bayaran elektronik. Berapa peningkatan keuntungan yang diperoleh oleh pihak konsesi lebuhraya dan pihak pengendalian kad *Touch N Go*.
27. PR-1333-L70742
Tuan Haji Ahmad Nazlan bin Idris [Jerantut] minta **MENTERI KEMAJUAN LUAR BANDAR DAN WILAYAH** menyatakan apakah langkah-langkah yang telah diambil oleh Kerajaan dalam mentransformasikan kepimpinan JKKK dan JKKP.
28. PR-1333-L69774
Tuan William Leong Jee Keen [Selayang] minta **MENTERI BELIA DAN SUKAN** menyatakan sebab-sebab bagi kemerosotan piawaian pasukan bola sepak dan hoki negara dan langkah-langkah yang diambil untuk memperbaikinya.

29. PR-1333-L70020
Datuk Wilson Ugak Kumbong [Hulu Rajang] minta **MENTERI PENDIDIKAN** menyatakan sekiranya pihak Kementerian ada peruntukan untuk membaik pulih rumah-rumah guru dan asrama-asrama murid di kawasan pedalaman Sabah dan Sarawak.
30. PR-1333-L71118
Tuan Jeff Ooi Chuan Aun [Jelutong] minta **MENTERI TENAGA, TEKNOLOGI HIJAU DAN AIR** menyatakan sama ada tarif bekalan elektrik akan dinaikkan mulai 2016 memandangkan kos operasi dan kos perolehan TNB telah meningkat kerana tersusut sekurang-kurangnya 28% nilai Ringgit Malaysia berbanding dolar Amerika sebanyak sejak tahun lalu.
31. PR-1333-L71445
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan berapakah jumlah permit teksi keseluruhannya dan jenis-jenis permit yang dikeluarkan oleh SPAD. Apakah skim atau kemudahan atau bantuan yang telah diberikan kepada pemandu teksi untuk memiliki teksi sendiri.
32. PR-1333-L69884
Datuk Dr. Makin @ Marcus Mojigoh [Putatan] minta **PERDANA MENTERI** menyatakan :-
- (a) usaha Kementerian dalam menangani kejadian gempa bumi di Negeri Sabah agar kecederaan, kehilangannya serta kerosakan harta benda dapat dikurangkan pada masa hadapan; dan
 - (b) jenis bantuan yang diberikan kepada mangsa dan kawasan yang terlibat dalam tragedi.
33. PR-1333-L71231
Dato' Kamarul Baharin bin Abbas [Telok Kemang] minta **MENTERI DALAM NEGERI** menyatakan setakat mana berhasil pendakwaan terhadap sindiket-sindiket yang terlibat dalam pemerdagangan orang secara beramai-ramai yang mana mereka ini mempunyai kepakaran serta hubungan ataupun tidak dengan pegawai-pegawai Kerajaan tertentu dalam menyediakan dokumen-dokumen palsu termasuk *passport* yang memudahkan perjalanan tersebut.
34. PR-1333-L70242
Dato' Haji Zainudin bin Ismail [Jelebu] minta **MENTERI KOMUNIKASI DAN MULTIMEDIA** menyatakan :-
- (a) adakah pihak Kementerian bercadang untuk menghentikan laman sosial seperti FB, Telegram, Whatapps dan lain-lain dengan menggantikan laman sosial tersebut dengan laman sosial tempatan seperti yang dilakukan di Negara China; dan
 - (b) kenapakah orang seperti Elvin Tan dan lain-lain yang terang-terangan menghina raja dan agama Islam dalam FB masing-masing masih tidak diambil tindakan. Apakah sebabnya.

35. PR-1333-L71130
Datuk Zahidi bin Zainul Abidin [Padang Besar] minta **PERDANA MENTERI** menyatakan adakah Kerajaan akan mengkaji dan melaksana suatu skim perniagaan berkonsepkan keusahawanan sosial Ternakan Lembu Khas bagi Qurban dan Aqiqah yang melibatkan bantuan sumber kewangan daripada Baitulmal. Pihak penternak kemudiannya akan menjual lembu pada harga patut bagi Qurban dan Aqiqah. Ini akan menstabilkan kos lembu untuk Qurban dan Aqiqah yang telah meningkat begitu tinggi sekali ketika ini.
36. PR-1333-L71090
Tuan Teo Kok Seong [Rasah] minta **MENTERI KEWANGAN** menyatakan :-
- (a) jumlah pendapatan Kerajaan Pusat selepas pelaksanaan sistem cukai GST sejak 1 April 2015; dan
 - (b) mengapakah Kerajaan tidak menurunkan kadar cukai GST bagi meringankan beban rakyat.
37. PR-1333-L71594
Puan Nurul Izzah binti Anwar [Lembah Pantai] minta **MENTERI DALAM NEGERI** menyatakan rasional Kerajaan membenarkan Sirul Azhar Umar keluar dari negara ketika rayuan pendakwa raya dalam kes pembunuhan Altantuya Shaaribu sedang didengar di Mahkamah Persekutuan.
38. PR-1333-L71467
Tuan Sim Chee Keong [Bukit Mertajam] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan status siasatan *Malaysia Competition Commission (MyCC)* terhadap monopoli MyEG dalam kontrak pembaharuan permit pekerja asing.
39. PR-1333-L69956
Dato' Seri Dr. Wan Azizah binti Wan Ismail [Permatang Pauh] minta **PERDANA MENTERI** menyatakan kesan kemerosotan harga saham FELDA Global Ventures Holdings (FGVH) ke atas 112,623 peneroka FELDA dan sejauh mana FELDA bersedia menghapus kira bayaran balik pinjaman pembelian saham para peneroka.
40. PR-1333-L70865
Tuan Chong Chieng Jen [Bandar Kuching] minta **MENTERI PENDIDIKAN** menyatakan adakah Kerajaan Persekutuan bersetuju supaya menurunkan kuasa Kerajaan Persekutuan dalam bidang pendidikan kepada Kerajaan Negeri Sarawak agar Kerajaan Negeri Sarawak mempunyai kuasa autonomi dalam bidang pendidikan.
41. PR-1333-L69867
Datuk Seri Panglima Haji Abdul Ghapur bin Haji Salleh [Kalabakan] minta **PERDANA MENTERI** menyatakan :-
- (a) berapakah nilai semasa saham FGV dibandingkan dengan harga FGV; dan
 - (b) apakah penyebab utama kemerosotan nilai saham tersebut.

42. PR-1333-L71091
Tuan V. Sivakumar [Batu Gajah] minta **PERDANA MENTERI** menyatakan perkembangan kerja-kerja penyediaan "*blue print*" untuk memajukan ekonomi kaum India seperti mana yang telah dijanjikan dalam pembentangan RMK-11. Siapakah pihak-pihak yang terlibat dan mengetuai proses merangka "*blue print*" tersebut.
43. PR-1333-L70847
Dato' Hasan bin Arifin [Rompin] minta **MENTERI PERTANIAN DAN INDUSTRI ASAS TANI** menyatakan adakah Kerajaan bercadang untuk meminda kaedah subsidi padi bagi menggalakkan tanaman padi oleh petani dan swasta. Kaedah subsidi padi dicadang ditukar yang mana subsidi padi diberi terus kepada pengilang, manakala petani dan swasta mendapat harga padi semasa yang ditetapkan oleh Kerajaan.
44. PR-1333-L70313
Tuan Che Mohamad Zulkifly bin Jusoh [Setiu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan status perkembangan projek 1Malaysia Youth City yang telah diumumkan dalam Bajet 2015 yang lalu.
45. PR-1333-L69704
Datuk Dr. Ewon Ebin [Ranau] minta **PERDANA MENTERI** menyatakan sama ada pihak Kerajaan bersedia untuk memberikan pertimbangan ke atas cadangan untuk memperuntukkan 34 peratus kerusi Dewan Rakyat kepada negeri-negeri Borneo.
46. PR-1333-L71212
Dato' Hasbullah bin Osman [Gerik] minta **PERDANA MENTERI** menyatakan berapa peratuskah masyarakat khususnya di bandar yang masih menggunakan khidmat pengangkutan awam setakat ini. Apakah perancangan jangka panjang Kementerian dalam meningkatkan penggunaan pengangkutan awam.
47. PR-1333-L70975
Tuan Ramkarpal Singh a/l Karpal Singh [Bukit Gelugor] minta **MENTERI BELIA DAN SUKAN** menyatakan secara terperinci proses pemilihan ahli-ahli pasukan bola sepak kebangsaan dan sebab-sebab prestasi pasukan tersebut baru-baru ini amat teruk seperti yang boleh dilihat dengan kekalahan 10-0 kepada pasukan UAE. Nyatakan sama ada proses pemilihan tersebut adalah berdasarkan merit dan telus.
48. PR-1333-L71060
Puan Teo Nie Ching [Kulai] minta **MENTERI KEWANGAN** menyatakan pencapaian *Government Procurement Regime* yang diisu oleh Kementerian Kewangan pada November 2010, sama ada kesemua kontrak yang bernilai RM500,000 ke atas telah diberi secara tender.

49. PR-1333-L71251

Dato' Seri Tiong King Sing [Bintulu] minta **MENTERI DALAM NEGERI** menyatakan :-

- (a) apakah kaedah atau mekanisme Kementerian untuk menyelesaikan masalah kelewatan pendaftaran kelahiran yang telah gagal walaupun telah dipohon semula beberapa kali di peringkat negeri terutamanya di negeri Sarawak dan Sabah; dan
- (b) apakah perancangan atau tindakan pihak Kementerian dalam menangani isu anak angkat yang belum selesai dan banyak berlaku terutamanya di negeri Sarawak.

50. PR-1333-L70276

Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan :-

- (a) berapakah jumlah daripada RM2.6 bilion ini dipindahkan ke dalam bank di Singapura; dan
- (b) adakah pemindahan tersebut mendapat kelulusan Bank Negara Malaysia.

51. PR-1333-L71051

Tuan Su Keong Siong [Ipoh Timor] minta **PERDANA MENTERI** menyatakan hasil siasatan daripada Bank Negara atas penyelewengan perbankan ke dalam 1MDB di mana Gabenor Bank Negara Malaysia, Y.M Tan Sri Dato' Dr Zeti Akhtar Aziz telah berkata bahawa siasatan telah dikemukakan kepada Jabatan Peguam Negara pada bulan Ogos 2015.

52. PR-1333-L70973

Dr. Ong Kian Ming [Serdang] minta **PERDANA MENTERI** menyatakan tempoh kontrak dan juga gaji dan bonus untuk Ketua Pegawai Eksekutif Pemandu, Datuk Seri Idris Jala.

53. PR-1333-L71040

Datuk Ikmal Hisham bin Abdul Aziz [Tanah Merah] minta **PERDANA MENTERI** menyatakan berapa jumlah peruntukan bagi membantu mangsa-mangsa banjir di Kelantan dan setakat ini berapakah rumah yang sudah dihuni serta apakah masalah yang dihadapi oleh Kerajaan Pusat dalam melaksanakan projek itu.

54. PR-1333-L70612

Tuan Liew Chin Tong [Kluang] minta **PERDANA MENTERI** menyatakan tahap penyemakan sempadan dan perubahan bilangan kawasan pilihan raya Parlimen dan Dewan Undangan Negeri, jangka tarikh-tarikh memapar maklumat kepada orang awam dan pembentangan laporan akhir kepada Parlimen.

55. PR-1333-L71528

Dato' Takiyuddin bin Hassan [Kota Bharu] minta **MENTERI DALAM NEGERI** menyatakan adakah Kerajaan bercadang untuk mengeluarkan Kertas Putih mengenai kejadian Pembolosan Sempadan Negara di Wang Kelian, Perlis baru-baru ini.

56. PR-1333-L69718

Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan adakah langkah untuk meminta syarikat-syarikat GLC membawa pulang dana yang dilaburkan di luar negara untuk menyokong ringgit sebagai satu langkah yang bijak untuk tempoh jangka panjang dan pendek.

57. PR-1333-L70763

Dato' Johari bin Abdul [Sungai Petani] minta **PERDANA MENTERI** menyatakan apakah sebab-sebab utama YB Datuk Nur Jazlan Muhamed, Ahli Parlimen Pulau ditamatkan perkhidmatan sebagai Pengerusi PAC dan dilantik hanya sebagai seorang Timbalan Menteri, bilamana PAC sedang menyiasat skandal 1MDB yang melibatkan Perdana Menteri sedangkan Ahli-Ahli Parlimen mengakui bahawa beliau menjalankan tugas dengan cemerlang sebagai Pengerusi PAC.

ATURAN URUSAN MESYUARAT DAN USUL-USUL

1. **Menyambung semula pertimbangan ke atas Rang Undang-undang Perbekalan 2016 (D.R. 31/2015) dan Usul Anggaran Perbelanjaan Pembangunan 2016 seperti berikut :-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh dua bilion ringgit (RM52,000,000,000) dibelanjakan daripada Kumpulan Wang Pembangunan bagi tahun 2016, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2016, yang dibentangkan sebagai Kertas Perintah 42 Tahun 2015, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (17 November, 2015)

- | | | | |
|----|----------------|--|-------------------------------|
| 2. | (D.R. 32/2015) | Rang Undang-undang Kewangan 2015

[Menteri Kewangan] | Bacaan Kali Yang Kedua |
| 3. | (D.R. 28/2015) | Rang Undang-undang Perbadanan Insurans Deposit Malaysia (Pindaan) 2015 - Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(22 Oktober 2015)

[Menteri Kewangan] | Bacaan Kali Yang Kedua |
| 4. | (D.R. 30/2015) | Rang Undang-undang Syarikat 2015

[Menteri Perdagangan Dalam Negeri, Koperasi dan Kepenggunaan] | Bacaan Kali Yang Kedua |
| 5. | (D.R. 29/2015) | Rang Undang-undang Skim Kepentingan 2015.

[Menteri Perdagangan Dalam Negeri, Koperasi dan Kepenggunaan] | “ |

6. (D.R 33/2015) Rang Undang-undang Tabung Angkatan Tentera (Pindaan) 2015 “

[Menteri Pertahanan]

7. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]

8. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

9. (D.R. 24/2014) Rang Undang-undang Dadah Berbahaya (Pindaan) (No. 2) 2014 “

[Menteri Kesihatan]

10. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini.”

[Menteri Dalam Negeri]

11. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini.”

[Perdana Menteri]

12. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

[Menteri Pertanian dan Industri Asas Tani]

13. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini.”

[Menteri Kewangan]

14. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbau perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

15. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

16. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

17. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

18. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

19. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

20. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

21. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

22. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatkali ganda usaha pembinaan rumah-rumah tersebut.”

[Perdana Menteri]

23. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab.

Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

24. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

25. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

26. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

27. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

28. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan

arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

29. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

30. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

31. **Dato’ Seri Dr. Wan Azizah binti Wan Ismail [Permatang Pauh]** akan mencadangkan :-

“Bahawa Dewan ini tidak ada kepercayaan terhadap Yang Amat Berhormat Pekan Dato’ Seri Najib Tun Razak sebagai Perdana Menteri Malaysia.”

[Perdana Menteri]

32. **Tuan Gobind Singh Deo [Puchong]** akan mencadangkan :-

“Bahawa mengikut Peraturan Mesyuarat 43 dibaca bersama Peraturan Mesyuarat 99 Peraturan-Peraturan Majlis Mesyuarat Dewan Rakyat, Dewan Yang Mulia ini mengkaji semula dan mengenepikan keputusan Yang di-Pertua YB Dato Seri Dr. Ronald Kiandee, yang membenarkan usul untuk menggantung Yang Berhormat Tuan Lim Kit Siang, Ahli Parlimen Gelang Patah daripada Perkhidmatan sebagai Ahli Parlimen selama 6 bulan dibahas tanpa rujukan dibuat kepada Jawatankuasa Hak dan Kebebasan sepertimana menurut Peraturan 80A Peraturan-Peraturan Majlis Mesyuarat.”

[Perdana Menteri]

33. **Tuan Mohd Rafizi bin Ramli [Pandan]** akan mencadangkan :-

“Bahawa Dewan ini menggesa supaya Tenaga Nasional Berhad hanya membayar jumlah yang sepadan dengan nilai pasaran aset-aset *Independent Power Producers* (IPP) yang dimiliki oleh 1MDB dan Dewan berpendapat bahawa harga siling mengikut nilai pasaran bagi aset-aset itu adalah Ringgit Malaysia Lapan Bilion (RM8,000,000,000) sahaja”.

[Menteri Kewangan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
DR.9	Laporan Jawatankuasa Kira-kira Wang Negara Parlimen Ketiga Belas. -Projek Pembinaan Lebuhraya Pantai Timur 2 (LPT 2).	18 November 2015
ST.91	Laporan Tahunan dan Penyata Kewangan Akademi Sains Malaysia Bagi Tahun 2014.	18 November 2015
ST.110	Laporan Tahunan dan Penyata Kewangan RRIM-Consult Corporation Bagi Tahun 2014.	18 November 2015
ST.114	Laporan Tahunan dan Penyata Kewangan Suruhanjaya Perkhidmatan Air Negara (SPAN) Bagi Tahun 2014.	18 November 2015
ST.115	Laporan Tahunan dan Penyata Kewangan Kumpulan Wang Sumbangan Modal Pembetungan Bagi Tahun 2014.	18 November 2015
ST.116	Laporan Tahunan dan Penyata Kewangan Lembaga Tabung Haji Bagi Tahun 2014.	18 November 2015